



**Broj: 12-14-1428-1/19  
Sarajevo, 17.07.2019. godine**

Na osnovu člana 70. Zakona o javnim nabavkama ("Službeni glasnik BiH", broj: 39/14) i preporuke Komisije za provođenje postupka nabavke, putem postupka – otvoreni postupak javne nabavke kompjuterske opreme za potrebe Ureda za reviziju institucija u Federaciji Bosne i Hercegovine (obavještenje o nabavci broj: 296-1-1-16-3-9/19 objavljeno na Portalu javnih nabavki 31.05.2019. godine i sažetak obavještenja o nabavci objavljen u Službenom glasniku broj 40/19 dana 07.06.2019. godine), date u Zapisniku broj: 12-14-855-11/19 od 09.07.2019. godine, generalni revizor, donosi

## ODLUKU

### o izboru najpovoljnijeg ponuđača

#### I

U postupku nabavke – otvoreni postupak za dostavu ponuda za izbor najpovoljnijeg ponuđača za nabavku kompjuterske opreme za potrebe Ureda za reviziju institucija u Federaciji Bosne i Hercegovine, postupak podijeljen po lotovima: LOT 1-nabavka laptopa, LOT 2-nabavka štampača u boji i LOT 3-nabavka štampača monohromatskog, Ugovorni organ donio je odluku o izboru ponude ponuđača ProTim d.o.o. za LOT 1 i ponude ponuđača R&S d.o.o. za LOT 2 i LOT 3.

#### II

Zadužuje se Odjeljenje za pravne i opće poslove i ljudske resurse, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

#### III

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 10 (deset) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

#### IV

Ova odluka stupa na snagu danom potpisivanja.

### Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama ("Službeni glasnik BiH", broj: 39/14), Odlukom broj: 12-14-854-1/19 od 26.04.2019. godine i Odlukom o izmjeni Odluke broj:12-14-854-2/19 od 29.05.2019. godine, pokrenuo postupak nabavke putem postupka – otvoreni postupak javne nabavke za dostavu ponuda za izbor najpovoljnijeg ponuđača za nabavku kompjuterske opreme.

Obavještenje o javnoj nabavci, broj: 296-1-1-16-3-9/19 objavljeno na Portalu javnih nabavki dana, 31.05.2019. godine.

Uporedo sa objavljivanjem obavještenja o nabavci objavljena je i tenderska dokumentacija na Portalu javnih nabavki.

Komisija za javne nabavke za izbor najpovoljnijeg ponuđača za nabavku kompjuterske opreme Ureda za reviziju institucija u Federaciji Bosne i Hercegovine, imenovana je Rješenjem generalnog revizora broj: 12-14-855-1/19 od

14.05.2019. godine, provela je postupak Javne nabavke u skladu sa Zakonom o javnim nabavkama i podzakonskim aktima te sačinila Zapisnik o otvaranju ponuda broj: 12-14-855-9/19 od 25.06.2019. godine, Analitički prikaz traženih i dostavljenih dokumenata-Kvalifikacija ponuđača broj: 12-14-855-10/19 od 09.07.2019. godine i Zapisnik o pregledu i ocjeni ponuda, broj: 12-14-855-11/19 od 09.07.2019. godine u kojim je konstatovano:

- u predmetnom postupku nabavke i nadmetanju, Ugovornom organu četiri ponuđača su dostavili ponude za LOT 1, i to ponuđači ProTim d.o.o., R&S d.o.o., Elur d.o.o. i Emado d.o.o, a dva ponuđača su dostavili ponude za LOT 2 i LOT 3, i to ponuđači R&S d.o.o. i Emado d.o.o.
- ponuda ponuđača ProTim d.o.o. je prihvatljiva za LOT 1, a ponuda ponuđača R&S je prihvatljiva za LOT 2 i LOT 3;
- ponuda ponuđača R&S d.o.o. nije prihvatljiva za LOT 1 iz razloga što ponuđač nije ispunio zahtjeve u pogledu tehničkih specifikacija ponuđene robe za LOT 1, odnosno ponuđač nije ponudio dvije baterije kako je traženo tenderskom dokumentacijom, već jednu bateriju. Ponuđač je također ponudio čitač za tri vrste kartica, a tenderskom dokumentacijom je tražen čitač kartica 4 in 1. Ugovorni organ dužan je u skladu sa članom 68. stav (4) predmetnu ponudu odbaciti, jer ponuda ne ispunjava zahtjeve tražene tenderskom dokumentacijom.
- ponuda ponuđača Elur d.o.o. nije prihvatljiva za LOT 1 iz razloga što ponuđač nije ispunio zahtjeve u pogledu tehničkih specifikacija ponuđene robe za LOT 1, za koji LOT je dostavio ponudu, odnosno ponuđač nije ponudio dvije baterije kako je traženo tenderskom dokumentacijom, već jednu bateriju. Ponuđač je također ponudio čitač kartica Micro SD Card Reader, a tenderskom dokumentacijom je tražen čitač kartica 4 in 1. Ugovorni organ dužan je u skladu sa članom 68. stav (4) predmetnu ponudu odbaciti, jer ponuda ne ispunjava zahtjeve tražene tenderskom dokumentacijom.
- ponuda ponuđača Emado d.o.o. nije prihvatljiva iz razloga što ponuđač nije dostavio ponude za svaki LOT posebno (u odvojenim kovertama), te nije dostavio Obrazac za ponudu (Aneks II), kao i Nacrtni Ugovora (Aneks IX) za svaki Lot posebno, a kako je traženo tačkom II 1.1. Tenderske dokumentacije. Ponuđač također nije ispunio zahtjeve u pogledu tehničkih specifikacija ponuđene robe za LOT 1, odnosno ponuđač nije ponudio dvije baterije min. 12 sati autonomije kako je traženo tenderskom dokumentacijom, već jednu bateriju max. 10 sati autonomije. Ponuđač je također ponudio čitač kartica Micro SD Card Reader, a tenderskom dokumentacijom je tražen čitač kartica 4 in 1. Za LOT 2 ponuđač je ponudio A3 format papira, a ne A4, kako je traženo i opisano Tenderskom dokumentacijom. Za LOT 1, LOT 2 i LOT 3 ponuđač nije dostavio ponude za svaki LOT posebno (u odvojenim kovertama). Ugovorni organ dužan je u skladu sa članom 68. stav (4) predmetnu ponudu odbaciti, jer ponuda ne ispunjava zahtjeve tražene tenderskom dokumentacijom.
- da je primljena po jedna prihvatljiva ponuda za LOT 1, LOT 2 i LOT 3 i e-aukcija se ne može zakazati, nego se postupak okončava u skladu sa članom 69. Zakona.

Na prijedlog Komisije Ugovorni organ je donio odluku kao u dispozitivu.

Dostaviti:

- ProTim d.o.o.
- R&S d.o.o.
- Elur d.o.o.
- Emado d.o.o.
- u spis predmeta nabavke
- a/a.

